

თელავის მუნიციპალიტეტის საკრებულოს
სამანდატო-საპროცედურო და იურიდიულ საკითხთა კომისიის სხდომის

ოქმი N 4

19. 04. 2023 წ.

ქ.თელავი

თავმჯდომარეობდა:

სამანდატო-საპროცედურო და იურიდიულ საკითხთა კომისიის თავმჯდომარე ლევან ბერძენაშვილი.

სხდომას ესწრებოდნენ კომისიის წევრები: თინათინ ხანჯალიაშვილი, ზურაბ ლილუაშვილი, ალექსანდრე შათირიშვილი, მიხეილ დაღუნდარიძე, გივი ლაფაური, ბაადურ გულიაშვილი, გიგი გიგიტელაშვილი.

სხდომას აგრეთვე ესწრებოდნენ: თელავის მუნიციპალიტეტის საკრებულოს აპარატის უფროსი ტარიელ გალახვარიძე, თელავის მუნიციპალიტეტის მერიის იურიდიული სამსახურის უფროსი ანა ფეიქრიშვილი, არასამთავრობო ორგანიზაცია EECMD-ის თელავის ოფისის ხელმძღვანელი არჩილ მჭედლიშვილი, თელავის მუნიციპალიტეტის საკრებულოს საორგანიზაციო განყოფილების უმცროსი სპეციალისტი ნინო ასანაშვილი, თელავის მუნიციპალიტეტის საკრებულოს სამანდატო-საპროცედურო და იურიდიულ საკითხთა კომისიაში მოწვეული სპეციალისტი ქეთევან ილაშვილი, მოქალაქე მაკა მოსიაშვილი.

დღისწესრიგი

1. თელავის მუნიციპალიტეტის საკრებულოს 2022 წლის 28 დეკემბრის №22 დადგენილებაში „თელავის მუნიციპალიტეტის 2023 წლის ბიუჯეტის დამტკიცების შესახებ“ ცვლილების შეტანის თაობაზე

მომხს.ლ.ბერძენაშვილი

2. ქ.თელავის საგანმანათლებლო რესურსცენტრის წერილის განხილვის შესახებ, სოფ. თეთრიწყლების საჯარო სკოლისათვის ვაჟა-ფშაველას სახელის მინიჭების თაობაზე.

მომხს.ლ.ბერძენაშვილი

3. საქართველოს მთავრობის ადმინისტრაციის წერილის განხილვის შესახებ.

მომხს.ლ.ბერძენაშვილი

4. თელავის მუნიციპალიტეტის საკრებულოს წევრის იმედა კევლიშვილის განცხადების განხილვის შესახებ.

მომხს.ლ.ბერძენაშვილი

5. თელავის მუნიციპალიტეტის საკრებულოს წევრის ალექსი ძულიაშვილის განცხადების განხილვის შესახებ.

მომხს.ლ.ბერძენაშვილი

6. თელავის მუნიციპალიტეტის საკრებულოს ფრაქცია „ერთანი ნაციონალური მოძრაობის წერილის განხილვის შესახებ.

მომხს.ლ.ბერძენაშვილი

მოისმინეს: 1. თელავის მუნიციპალიტეტის საკრებულოს 2022 წლის 28 დეკემბრის №22 დადგენილებაში „თელავის მუნიციპალიტეტის 2023 წლის ბიუჯეტის დამტკიცების შესახებ“ ცვლილების შეტანის თაობაზე

აზრი გამოთქვეს: ლევან ბერძენაშვილმა აღნიშნა, რომ ბიუჯეტის ცვლილების პროექტის მიხედვით, იზრდება მუნიციპალიტეტის მერიის (კოდი 01 01 02) სხვა ხარჯების მუხლი 41,6 ათასი ლარით, მერიიდან გათავისუფლებულ თანამშრომელთა მაგული ჭარბაძის, მამუკა ჭამაურის და ანა ღარიბაშვილის განაცდური ხელფასის და კომპენსაციის ანაზღაურებისათვის. ლევან ბერძენაშვილმა აგრეთვე აღნიშნა, რომ სამივე პირის მიმართ არსებობს სასამართლო გადაწყვეტილება მათ სასარგებლოდ და სასამართლოს მიერ გაცემული სააღსრულებო ფურცელი. ლევან ბერძენაშვილის განმარტებითვე

სამივე პიროვნებაზე წარმოდგენილია სააღსრულებო ბიუროს წერილობითი მოთხოვნები, სასამართლო გადაწყვეტილების აღსრულებაზე.

ანა ფეიქრიშვილმა აღნიშნა, რომ ხსენებულ სამივე პიროვნებაზე მერიის მიერ გაცემულია საკომპენსაციო და განაცდური ხელფასის თანხა, მაგრამ ვინაიდან ეს თანხა გაცემული იყო მოხელეების თავდაპირველი სარგოს მიხედვით და არა შემდგომში გაზრდილი ხელფასის შესაბამისად, ამიტომ სხვაობა ექვემდებარება ანაზღაურებას.

გიგი გიგიტელაშვილმა იკითხა თუ ვინ იყო უკანონო აქტის გამცემი პირი, რაზედაც ლევან ბერძენაშვილმა უპასუხა, რომ მერიის თანამშრომელთა გათავისუფლება მოხდა 2 სხვადასხვა მერის მიერ სხვადასხვა პერიოდში.

არჩილ მჭედლიშვილმა იკითხა თუ იყო შესაძლებელი ამ სხვაობას აანაზღაურებდეს არა მუნიციპალიტეტის მიერ არამედ გადაწყვეტილების მიმღები პირის მიერ და რატომ არ ითხოვენ ამ პირებისგან მოხდეს ბიუჯეტზე მიყენებული ზარალის ანაზრაურება.

ლევან ბერძენაშვილმა არჩილ მჭედლიშვილს უპასუხა, რომ სამართლებრივად რეგრესის წესის მიხედვით შესაძლებელია, რომ მუნიციპალიტეტმა მოითხოვოს ზიანის თანხის ანაზღაურება უკანონო გადაწყვეტილების მიმღები პირებისაგან.

მაკა მოსაიაშვილმა იკითხა აგრეთვე დგება თუ არა იმ პირთა პასუხისმგებლობა ვინც ეს გადაწყვეტილება მიიღო, რაზედაც ლევან ბერძენაშვილმა უპასუხა რომ ეს შესაძლებელია.

ბაადურ გულიაშვილმა აღნიშნა, რომ ვინაიდან მიმდინარეობს სასამართლო გადაწყვეტილების აღსრულება, ამიტომ გათავისუფლებულ მოხელეებს უნდა მიეცეთ შესაბამისი კომპენსაცია.

საკითხის ირგვლივ სხვა მოსაზრებები არ გამოთქმულა. ღია კენჭისყრის შედეგად კომისიის წევრებმა ერთხმად გადაწყვიტეს: გადაწყვიტეს: საკითხი წარედგინოს საკრებულოს ბიუროს განსახილველად შემდგომი რეაგირებისათვის.

მოისმინეს: 2. ქ.თელავის საგანმანათლებლო რესურსცენტრის წერილის განხილვის შესახებ, სოფ. თეთრიწყლების საჯარო სკოლისათვის ვაჟა-ფშაველას სახელის მინიჭების თაობაზე.

აზრი გამოთქვეს: ლევან ბერძენაშვილმა აღნიშნა, რომ წარმოდგენილია ქ.თელავის საგანმანათლებლო რესურსცენტრის წერილი თანდართული დოკუმენტაციით სოფ. თეთრიწყლების საჯარო სკოლისათვის ვაჟა-ფშაველას სახელის მინიჭების თაობაზე. მანვე აღნიშნა, რომ დოკუმენტაცია სრულყოფილია და შეესაბამება კანონმდებლობით დადგენილ კრიტერიუმებს. ვინაიდან საკითხის გადაწყვეტას ესაჭირობა საკრებულოს დადებითი ან უარყოფით გადაწყვეტილება, ამიტომ საჭიროა საკრებულოს პოზიციის გარკვევა. საკრებულოს დადებითი გადაწყვეტილების შემთხვევაში სახელის მინიჭების თაობაზე საბოლოო გადაწყვეტილებას იღებს საქართველოს განათლებისა და მეცნიერების სამინისტრო.

კენჭისყრის შედეგად საკითხს დაეთანხმა კომისიის ყველა წევრი, შენიშვნები ან განცხადებები არ გაკეთებულა:

გადაწყვიტეს: წარედგინოს საკრებულოს ბიუროს საკითხი განსახილველად დადებითი რეკომენდაციით.

მოისმინეს: 3. საქართველოს მთავრობის ადმინისტრაციის წერილის განხილვის შესახებ.

აზრი გამოთქვეს: ლევან ბერძენაშვილმა აღნიშნა, რომ საქართველოს მთავრობის ადმინისტრაციიდან, 2023 წლის 11 აპრილს მოსულია სარეკომენდაციო წერილი თელავის მუნიციპალიტეტის საკრებულოს მიერ 2023 წლის 30 მარტის N08 დადგენილების მე-2 მუხლის მე-7 პუნქტთან მიმართებაში, რომლის მიხედვითაც აუცილებელია ჩასწორდეს ჩანაწერი, აგრეთვე ცვლილებაა შესატანი „თელავის მუნიციპალიტეტის მერიის იურიდიული სამსახურის დებულების დამტკიცების შესახებ“ თელავის მუნიციპალიტეტის საკრებულოს 2017 წლის 22 დეკემბრის N19 დადგენილებაში. ვინაიდან მოთხოვნა სავალდებულოდ შესასრულებელია, ამიტომ მერიას უნდა მიეცეს რეკომენდაცია, რომ უზრუნველყოს ნორმატიული აქტების შესაბამისობაში მოყვანა და წარმოდგენა საკრებულოში განსახილველად.

ანა ფეიქრიშვილმა აღნიშნა, რომ მთავრობის ადმინისტრაციის აღნიშნული შენიშვნის შესახებ მერიისათვის ცნობილია და უზრუნველყოფენ ნორმატიულ აქტების პროექტების მომზადებას.

ბაადურ გულიაშვილმა აღნიშნა, რომყოფილიყო ნორმატიული აქტის პროექტი სულ სხვანაირად წარიმართებოდა მსჯელობა. კომისიამ კენჭისყრის შედეგად ერთხმად გადაწყვიტა:

გადაწყვიტეს: მიეცეს რეკომენდაცია თელავის მუნიციპალიტეტის მერიას, წარმოადგინონ ნორმატიული აქტის პროექტი 2023 წლის 30 მარტის N08 დადგენილების მე-2 მუხლის მე-7 პუნქტთან მიმართებაში. აგრეთვე წარმოადგინოს პროექტი „თელავის მუნიციპალიტეტის მერიის იურიდიული სამსახურის დებულების დამტკიცების შესახებ“ თელავის მუნიციპალიტეტის საკრებულოს 2017 წლის 22 დეკემბრის N19 დადგენილებაში ცვლილების შეტანის თაობაზე.

მოისმინეს: 4. თელავის მუნიციპალიტეტის საკრებულოს უფრაქციო წევრის იმედა კევლიშვილის განცხადება, საკრებულოს სამანდატო, საპროცედურო და იურიდიულ საკითხთა და საფინანსო-საბიუჯეტო კომისიებში წევრად განსაზღვრის თაობაზე.

აზრი გამოთქვეს: კომისიის თავმჯდომარემ აღნიშნა, რომ ვინაიდან იმედა კევლიშვილმა დატოვა საკრებულოს ფრაქცია „ერთიანი ნაციონალური მოძრაობა“, ამიტომ საკრებულოს სამანდატო, საპროცედურო და იურიდიულ საკითხთა და საფინანსო-საბიუჯეტო კომისიებში ავტომატურად შეუწყდა წევრის სტატუსი. ამიტომ ვალდებულია იგი რომ გაწევრიანდეს მინიმუმ ერთ მუდმივმოქმედ კომისიაში. მანვე აღნიშნა, რომ 2023 წლის 24 მარტს კომისიაში შემოსულია საკრებულოს უფრაქციო წევრის იმედა კევლიშვილის განცხადება, რომლითაც იგი თავისი კვოტის ფარგლებში ითხოვს საკრებულოს სამანდატო, საპროცედურო და იურიდიულ საკითხთა და საფინანსო-საბიუჯეტო კომისიებში გაწევრიანებას. ვინაიდან იმედა კევლიშვილის განცხადება აღნიშნულ კომისიებში გაწევრიანებასთან დაკავშირებით, თანხვედრაშია საქართველოს ორგანული კანონი „ადგილობრივი თვითმმართველობის კოდექსი“-ის და თელავის მუნიციპალიტეტის საკრებულოს რეგლამენტით განსაზღვრულ მოთხოვნებთან, არ არსებობს რაიმე სახის სამართლებრივი ხარვეზი, ამიტომ იგი უნდა განისაზღვროს წევრად.

საკითხს დაეთანხმნენ კომისიის წევრები. შენიშვნები ან მოსაზრებები არ გამოთქმულა.

გადაწყვიტეს: საქართველოს ორგანული კანონი „ადგილობრივი თვითმმართველობის კოდექსი“-ის 28-ე მუხლის შესაბამისად, წარედგინოს საკრებულოს ბიუროს ცნობად მიღების მიზნით, უფრაქციო წევრის იმედა კვლიშვილის პერსონალური პროპორციული წარმომადგენლობა საკრებულოს სამანდატო, საპროცედურო და იურიდიულ საკითხთა და საფინანსო-საბიუჯეტო კომისიებში.

მოისმინეს: 5. თელავის მუნიციპალიტეტის საკრებულოს უფრაქციო წევრის ალექსი ძულიაშვილის განცხადება, საკრებულოს ეკონომიკისა და ქონების მართვის კომისიაში წევრად განსაზღვრის თაობაზე.

აზრი გამოთქვეს: კომისიის თავმჯდომარემ აღნიშნა, რომ ვინაიდან ალექსი ძულიაშვილმა დატოვა საკრებულოს ფრაქცია „ერთანი ნაციონალური მოძრაობა“ და ფრაქციის თავმჯდომარის თანამდებობა, ამიტომ საკრებულოს ეკონომიკისა და ქონების მართვის კომისიაში ავტომატურად შეუწყდა წევრის სტატუსი. ამიტომ ვალდებულია იგი რომ გაწევრიანდეს მინიმუმ ერთ მუდმივმოქმედ კომისიაში. მანვე აღნიშნა, რომ 2023 წლის 24 მარტს კომისიაში შემოსულია საკრებულოს უფრაქციო წევრის ალექსი ძულიაშვილის განცხადება, რომლითაც იგი თავისი კვოტის ფარგლებში ითხოვს საკრებულოს ეკონომიკისა და ქონების მართვის კომისიაში გაწევრიანებას. ვინაიდან ალექსი ძულიაშვილის განცხადება აღნიშნულ კომისიებში გაწევრიანებასთან დაკავშირებით, თანხვედრაშია საქართველოს ორგანული კანონი „ადგილობრივი თვითმმართველობის კოდექსი“-ის და თელავის მუნიციპალიტეტის საკრებულოს რეგლამენტით განსაზღვრულ მოთხოვნებთან, არ არსებობს რაიმე სახის სამართლებრივი ხარვეზი, ამიტომ იგი უნდა განისაზღვროს წევრად. საკითხს დაეთანხმნენ კომისიის წევრები. შენიშვნები ან მოსაზრებები არ გამოთქმულა.

გადაწყვიტეს: საქართველოს ორგანული კანონი „ადგილობრივი თვითმმართველობის კოდექსი“-ის 28-ე მუხლის შესაბამისად, წარედგინოს საკრებულოს ბიუროს ცნობად მიღების მიზნით, უფრაქციო წევრის ალექსი ძულიაშვილის პერსონალური პროპორციული წარმომადგენლობა საკრებულოს ეკონომიკისა და ქონების მართვის კომისიაში.

მოისმინეს: 6. თელავის მუნიციპალიტეტის საკრებულოს ფრაქცია „ერთიანი ნაციონალური მოძრაობა“-ის წერილის განხილვა და მუდმივმოქმედ კომისიებში ფრაქციათა და უფრაქციო წევრთა პერსონალური წარმომადგენლობის გასაზღვრის შესახებ.

აზრი გამოთქვეს: ლევან ბერძენაშვილმა აღნიშნა, რომ თელავის მუნიციპალიტეტის საკრებულოს ფრაქცია „ერთიანი ნაციონალური მოძრაობა“-დან წევრების იმედა კევლიშვილის და ალექსი ძულიაშვილის გასვლის გამო დაიწყო მთელი რიგი სამართლებრივი პროცედურები, რადგან ფრაქციის პროპორციულ წარმომადგენლობაში მოხდა კვოტების კლება. აღნიშნულის შესაბამისად სამანდატო, საპროცედურო და იურიდიულ საკითხთა კომისიის მიერ განისაზღვრა ახალი კვოტები ფრაქციებისათვის და საკრებულოს უფრაქციო წევრებისათვის. აღნიშნული საკითხი 2023 წლის 21 მარტს წარედგინა ბიუროს, რომელიც დამტკიცებული იქნა. ლევან ბერძენაშვილმა აგრეთვე განმარტა, რომ საკრებულოს ბიუროს მიერ კვოტირების დამტკიცებიდან სამი დღის ვადაში ფრაქცია ვალდებულია საკრებულოს იურიდიულ კომისიას წარუდგინოს საკრებულოს კომისიებში ახალი პერსონალური წარმომადგენლობა. აგრეთვე განმარტა, რომ 2023 წლის 24 მარტის წერილით, ფრაქცია „ერთიანი ნაციონალური მოძრაობა“-ს მიერ განხორციელდა პერსონალური შემადგენლობის წარმოდგენა სამანდატო, საპროცედურო და იურიდიულ საკითხთა კომისიაზე, რომელიც თანხვედრაშია საქართველოს ორგანული კანონი „ადგილობრივი თვითმმართველობის კოდექსი“-ის და თელავის მუნიციპალიტეტის საკრებულოს რეგლამენტით განსაზღვრულ მოთხოვნებთან. ლევან ბერძენაშვილის განმარტებითვე, საკრებულოს ფრაქცია „ქართული ოცნება-დემოკრატიულ საქართველოს“ კომისიის შემადგენლობის პერსონალურ ცვლილებასთან დაკავშირებით არ მოუმართავს, შესაბამისად მათი წარმომადგენლობა რჩება უცვლელად. აგრეთვე განმარტა რომ საკრებულოს უფრაქციო წევრებმა ალექსი ძულიაშვილმა და იმედა კევლიშვილმა კომისიას მომართეს განცხადებით კომისიებში გაწევრინებასთან დაკავშირებით, რომელი

განცხადებებიც განხილული იქნა მე-4 და მე-5 საკითხად. აღნიშნულიდან გამომდინარე, თელავის მუნიციპალიტეტის საკრებულოს ფრაქცია „ქართული-ოცნება დემოკრატიული საქართველოს”, ფრაქცია „ერთიანი ნაციონალური მოძრაობის“ და უფრაქციო წევრების წარმომადგენლობა მუდმივმოქმედ კომისიებში (სულ 5) უნდა განისაზღვროს შემდეგნაირად:

თელავის მუნიციპალიტეტის საკრებულოს სამანდატო,
საპროცედურო და იურიდიულ საკითხთა კომისია:

1. ლევან ბერძენაშვილი
2. თინათინ ხანჯალიაშვილი
3. ზურაბ ლილუაშვილი
4. ალექსანდრე შათირიშვილი
5. მიხეილ დაღუნდარიძე
6. მარიამ ლილუაშვილი
7. გივი ლაფაური
8. ბაადურ გულიაშვილი
9. იმედა კევლიშვილი
10. გიგი გიგიტელაშვილი
11. ზვიად ხანჯალიაშვილი
12. რუსუდან იმერლიშვილი

თელავის მუნიციპალიტეტის საკრებულოს
საფინანსო-საბიუჯეტო კომისია:

1. ზურაბ ლილუაშვილი
2. უჩა ჭოტიაშვილი
3. თამარ ხატიაშვილი

4. ოთარი ესიტაშვილი
5. მამუკა ბურდიაშვილი
6. თენგიზ მთვარელიშვილი
7. გიორგი ხაჭაპურიძე
8. გიორგი ქართლელიშვილი
9. გიგი გიგიტელაშვილი
10. რუსუდან იმერლიშვილი
11. ნინო ომანიძე
12. იმედა კევლიშვილი
13. ივანე დალაქიშვილი

თელავის მუნიციპალიტეტის საკრებულოს სოციალური, კულტურის, განათლებისა და ახალგაზრდულ საქმეთა კომისია:

1. გიორგი ხაჭაპურიძე
2. თამარ ხატიაშვილი
3. ოთარ ესიტაშვილი
4. ევატერინე ონიგაძე
5. გივი ლაფაური
6. ზაზა ტატულიშვილი
7. ნიკოლოზ მაისურაძე
8. მარიამ ლილუაშვილი
9. ბაადურ რევაზიშვილი
10. ეთერი გურგენაშვილი
11. ივანე დალაქიშვილი
12. გელა ესიტაშვილი
13. ლევან კოჭლოშვილი
14. ივანე კირვალიძე

15. ნატალია ბახსოლიანი

16. აბრაამ მახარიაშვილი

თელავის მუნიციპალიტეტის საკრებულოს სივრცით-ტერიტორიული
დაგეგმარების, ინფრასტრუქტურის და ბუნებრივი რესურსების კომისია:

1. ლევან კოჭლოშვილი
2. უჩა ჭოტიაშვილი
3. დავით ღალანიძე
4. ზურაბ მოსახლიშვილი
5. ზურაბ მუსაევი
6. ზაზა ტატულიშვილი
7. გიორგი ქართლელიშვილი
8. ნიკოლოზ მაისურაძე
9. მამუკა ბურდიაშვილი
10. ივანე კირვალიძე
11. ბაადურ რევაზიშვილი
12. გელა ჭვრიტიძე
13. რამაზ ჩეკურიშვილი
14. ზაქარია გრიშკაშვილი
15. ეთერ გურგენაშვილი

თელავის მუნიციპალიტეტის საკრებულოს ეკონომიკისა და

ქონების მართვის საკითხთა კომისია:

1. თინათინ ხანჯალიაშვილი
2. ლევან ბერძენაშვილი
3. დავით ღალანიძე
4. ზურაბ მოსახლიშვილი
5. ეკატერინე ონიკაძე
6. თენგიზ მთვარელიშვილი

4. ზურაბ მოსახლიშვილი
5. ეკატერინე ონიკაძე
6. თენგიზ მთვარელიშვილი
7. მიხეილ დაღუნდარიძე
8. ალექსანდრე შათირიშვილი
9. ალექსი ძულიაშვილი
10. აბრამ მახარიაშვილი
11. ნატალია ბახსოლიანი
12. ზვიად ხანჯალიაშვილი
13. გელა ესიტაშვილი
14. ბაადურ გულიაშვილი

გადაწყვიტეს: წარედგინოს საკრებულოს ბიუროს ცნობად მისაღებად, ფრაქცია „ქართული-ოცნება დემოკრატიული საქართველოს“, ფრაქცია „ერთიანი ნაციონალური მოძრაობის“ და უფრაქციო წევრების გელა ესიტაშვილის, ლევან კოჭლოშვილის, ივანე კირვალიძის, იმედა კევლიშვილის და ალექსი ძულიაშვილის პერსონალური წარმომადგენლობა მუდმივმოქმედ კომისიებში ზემოაღნიშნული სახით, რომელიც თანხვედრაშია საქართველოს კანონი „ადგილობრივი თვითმმართველობის კოდექსი“-ის და თელავის მუნიციპალიტეტის საკრებულოს რეგლამენტით განსაზღვრულ მოთხოვნებთან.

დღის წესრიგით გათვალისწინებული საკითხების ამოწურვის შემდგომ, გიგი გიგიტელაშვილმა აღნიშნა, რომ კურდღელაურის ადმინისტრაციულ ერთეულში მდებარე ქუჩის სახელდებასთან დაკავშირებით წარმოდგენილი აქვს ინიციატივა და გადაწყვეტილება არ არის მიღებული შესაბამისი კომისიის მიერ, რაც პროცედურულ დარღვევას წარმოადგენს და მოითხოვა კომისიის მხრიდან რეაგირება.

ლევან ბერძენაშვილმა აღნიშნა რომ ბიუროს სხდომაზე დააყენებს საკითხს კომისიის სახელით რათა გიგი გიგიტელაშვილის ინიციატივა დროულად იქნას განხილული.

ბაადურ გულიაშვილმა აღნიშნა, რომ შესამუშავებელია 2023 წლის სამანდატო, საპროცედურო და იურიდიულ საკითხთა კომისიის სამუშაო

გეგმა და ითხოვა დროული რეაგირება, აგრეთვე მოითხოვა აღნიშნული კომისიის მიერ 2022 წელს გაწეული სამუშაოს ანგარიშის გამოქვეყნება.

ლევან ბერძენაშვილმა დაავალა კომისიის წევრებს უახლოეს კომისიის სხდომაზე წარმოადგინონ კომისიის 2023 წლის სამუშაო გეგმის პროექტი. აგრეთვე აღნიშნა, რომ კომისიის მიერ 2022 წელს შესრულებული სამუშაოს ანგარიში ჩამოყალიბებულია და უახლოეს პერიოდში გამოქვეყნდება

კომისიის თავმჯდომარე

ლევან ბერძენაშვილი